

《中國地方藝文薈萃》編委會 編

中國地方藝文薈萃

學苑出版社

華東卷·第十輯 序

華東卷·第十輯

肆

中國地方藝文薈萃

《中國地方藝文薈萃》編委會 編

貴州師範學院內部使用

七十二峰足徵集八十八卷（二）

贵州师范学院内部使用

七十二峰足徵集八十八卷（二）

（清）吳定璋輯

據清乾隆十年（一七四五）吳氏依綠園刻本影印

七十二峰足徵集卷十一

武峰吳定璋友篁菟錄

庭山吳定周季文編訂

鈕慶

慶字孔霑馬蹟雁門灣人明建文元年己卯舉人任湖廣德安府安陸縣知縣

葛藟篇

美錢節婦

君身喬木枝葛藟永相附引蔓自靡靡肯畏風雨
妬纏綿百世好此日心如故自笑朱槿花開落在

七十二峯

馬蹟山

卷十一

朝暮

鷓鴣鳳篇

美嶽陽文孝子兄弟

紫鳳失其侶喈喈自悲吟朝吸中天瀟暮宿蒼梧
陰儵遺二鳳雛飛上閭風岑二雛咸泣血嗷嗷吐
哀音上帝憫弱翮命棲閭闔深文采光六合昭回
千古心

苦旱

今歲春夏雨不來長溪水涸飛烟埃一芳黍黍盡
枯槁村農野叟徒傷哉應是雷霆乖號令蛟龍不

跋滄溟開雲山翠榦少顏色休糧絕粒思蓬萊君
不見東海孝婦死作三年乾誰其知者在宰官龔
芻滿朝政無補東南赤子疇能安斬木爲兵盜方
熾驕陽虐助炎炎勢剽掠所過雞犬空有心頻下
憂時淚又不見聖王禱祀桑林邊斷爪剪髮心乾
乾自余安得膏雨遍六合坐使草木回春妍

咏月

高瞻五鳳月遙憶九邊歌漢使曾分節仙槎欲渡
河時朝廷有氣吞玄海濶光動紫霄多思婦含悲

切征人久成何

鈕仲玉

仲玉字貞父號鳧溪又號五浮山人池州守漢之
裔也志趣高尚不屑治帖括義刻意古學博涉群
書含英咀華發爲詩歌其樂府古風婉約有六朝
餘前近體專法少陵而詞旨雅馴不落僞體一派
時孫太初黃五嶽王履吉兄弟皆與唱酬稱勁敵
遺集四卷厥孫明綱明紀梓行明綱萬曆戊子
舉人官衢州別駕明紀博士弟子員鄉飲介賓遷

居吳江爲望族云

古意

君心古井深。妾心轆轤轉。古井幾許深。轆轤千萬轉。

君如水上萍。妾似水中石。君身無定踪。妾心終不

擬古

采采雙鳳凰。飄飄在九天。飛下十二樓。超然凌紫烟。云何鳴高岡。歲月屢推遷。回風已寥絕。德音杳

難旋。

吳宮樹華闕透迤起重樓。巡甍被珠翠結綺臨芳
洲。盈盈雙蛾眉容光尚凝羞。爲君理瑤瑟宛轉發
新謳。徽音凌紫氛響遏行雲愁。君心殊不愜。歌長
復何求。

美人遠方來遺我雲錦段。織成比翼鳥蔚蔚文采
爛。感此綢繆意殷勤惜深睠。不忍裁爲衣竊恐顏
色變。永言藏篋笥開緘重把玩。

日暮采幽蘭香風被空谷所思遺美人道路異南

北美人不可遺采采不盈掬結佩懷美人永言晤
白狐

慕萱

采采忘憂花花開北堂側一旦忽凋傷覽之重悽
惻沉思北堂人夢寐涕沾臆歲月屢推遷此恨無
終極

筠庄

結廬蒼山隈植彼青青玉野色映疎簾寒聲落空
谷所以君子心于焉淨塵俗吾愛王子猷長日看

不足。

夏日偶書

長夏草木渥朱光漏檐明飲風蟬最潔高吟有餘
聲而吾北窗下一榻薰風生呼童具肴枳席地啣
杯觥酒竟葛可漉自酌陶吾情荷香入几硯鳥語
當軒楹繞舍數畝禾種秫不種秔頗絕官府累庶
氣俗吏驚出門理蓬鬢一笑江天橫

答虛山席儒懷

夕景俯咸池照耀金窓前青鳥忽飛墮口啣雲錦

篇雲錦落素手青鳥凌蒼烟讀之清我心飄飄欲
飛仙讀罷三嘆息乃是瑤姬傳瑤姬隔湘水遠在
巫山巔湘水渺難涉相思魂欲絕魂飛白雲間欲
共瑤姬說瑤姬不可見巫山不可越風吹白雲開
說與青天月

賓湖爲王文融題卷

明湖可一頃樂與爲主賓相對澹忘言春容浩無
垠白鳥天上來紅蓮鏡中新還期鍊玄液啜彼疲
瘡民

秋夕感懷二首

絡緯鳴高秋。梧桐耿疎月。商飈振前楹。群芳欲凋歇。云何鏡中顏。昔壯今迺別。所以陶阮流。嘯傲寄林樾。感之不遑寐。鬱鬱待明發。

鬱鬱待明發。所思在吾廬。吾廬鳧水上。梓桑翳邱墟。朝隨鳧鷺游。暮與鹿豕居。爲言隣里翁。茲樂云何如。迢迢不可越。日月空居諸。

盛之安別去數載壬辰仲秋過余讀書臺越
兩宿得選體二首貽之

昔別洞庭晚。紉邈結遐想。中路值風波。音徽合浩
泮。超然覩容輝。心神殊曠朗。念子眷戀意。愜此雲
物賞。涼飈起閭闔。星河互蒼莽。夜久群動寂。晶晶
孤月上。執手共徘徊。千載悲偃仰。黽勉勿復疑。努
力慎所往。

促織在空庭。朗月下高木。群芳欲衰歇。秋氣涼以
肅。褰裳耿無寐。逖哉悟幽獨。回飈薄層雲。冥冥失
鴻鵠。所嗟無羽翰。惠音潛難復。交岐有夕露。悵
縱遐矚。胡爲自西東。殷軋鳴丹轂。感此歲華邁。回

轅空躑躅

夢得饑食藤上花醉弄水中月
向醒足成篇
幽棲碧巖深長嘯青崖裂
饑食藤上花醉弄水中
月紅顏自敷榮綠鬢詎凋歇
騎鶴凌天池肥遯三
山穴

月夜過陳猷可進士讀書樓三首

清宵耿殘燭皎月輝岑樓與君共杯觴
樂意相綢繆贗歌擬金石
俛仰殊悠悠大哉天壤間
明發仍遨遊